



Na osnovu člana 64. stav (1) tačka b), člana 70., a u vezi člana 32. stav (1) Zakona o javnim nabavkama („Službeni glasnik Bosne i Hercegovine“ broj 39/14 i 59/22) i člana 18. Poslovnika Centralne izborne komisije Bosne i Hercegovine („Službeni glasnik BiH“ br. 32/23), na preporuku Komisije za javne nabavke od 14.09.2023. godine, Centralna izborna komisija Bosne i Hercegovine je na 62. sjednici održanoj 21.09.2023. godine, d o n i j e l a

### **O D L U K U** **o izboru najpovoljnijeg ponuđača**

- (1) **Okvirni sporazum** za nabavku goriva za motorna vozila Centralne izborne komisije Bosne i Hercegovine dodjeljuje se ponuđaču „HIFA“ d.o.o. Tešanj, Bukva br. 9, 74260 Tešanj.
- (2) Ponuda ponuđača iz stava (1) dispozitiva ove odluke je u skladu sa kriterijima i tehničkom specifikacijom utvrđenom tenderskom dokumentacijom i ocijenjena je prihvatljivom po ponuđenoj cijeni u iznosu od **43.578,00 KM bez PDV, odnosno 50.986,26 KM sa PDV.**
- (3) Okvirni sporazum iz stava (1) ove odluke zaključuje **na period do 2 (godine)**, ili do utroška iznosa vrijednosti okvirnog sporazuma iz stava (2) ove Odluke počev od dana njegovog potpisivanja.
- (4) Ponuđaču iz stava (1) ove odluke, će biti dodjeljen okvirni sporazum u skladu sa elementima iz Ponude, obavještenja o nabavci, uslovima i kriterijima utvrđenim u tenderskoj dokumentaciji.
- (5) Ova odluka stupa na snagu danom donošenja.

### **O b r a z l o ž e n j e**

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj obavještenja: 794-7-1-156-3-9/23 od 25.08.2023. godine. Primljene su dvije ponude sljedećih ponuđača: „HIFA“ d.o.o. Tešanj i „Energopetrol“ d.d. Sarajevo.

Komisija za javne nabavke imenovana Rješenjem broj: 07-2-16-3-904-2/23 od 11.08.2023. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-904-8/23 od 14.09.2023. godine je u prilogu ove odluke) i utvrdila da je ponuda ponuđača „HIFA“ d.o.o. **Tešanj, Bukva br. 9, 74260 Tešanj** prihvatljiva i uputila preporuku Centralnoj izbornoj komisiji BiH za izbor ovog ponuđača i dodjelu okvirnog sporazuma za predmetnu nabavku ponuđaču po ponuđenoj cijeni od **43.578,00 KM bez PDV, odnosno 50.986,26 KM sa PDV, koja je snižena za 3,62 % u postupku e-aukcije u odnosu na početnu ponuđenu cijenu.**

Uzimajući u obzir navedeno, odlučeno je kao u dispozitivu ove odluke.

**Pouka o pravnom lijeku:** Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove odluke.

Broj: 07-2-16-3-904-10/23  
Sarajevo, 21.09.2023. godine

Dostavljeno:

1. Ponuđačima
2. Odsjeku za materijalno finansijske poslove
3. na internet stranicu CIK BiH
4. a/a



Predsjednik

*Suad Arnautović*  
Dr. Suad Arnautović